



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De duobus episcopis altercantibus de parochia cuiusdam basilicæ. Ixix.

urn:nbn:de:hbz:466:1-10722

De contentione parochie. Cap. LXVII.

Q Vicunque Episcopus alterius Episcopi diocesim *Ex cōcil. Auernē.* per XXX. annos sine aliqua interpellatione possederit, quamuis secundum ius legis eius videatur esse diocesis, admittenda non est contra eum actio repositenda: sed hoc intra unam parochiam, extra verò nullo modo: ne dum diocesis defenditur, prouinciarum termini confundantur.

Vt Episcopi qui negligunt loca sua à vicinis episcopis, vt se corrigant, admoneantur. Cap. LXVIII.

I Tem placuit, vt quicumque negligunt loca ad suam cathedram pertinentia in catholicam vnitatem lucrari, conueniantur à diligētibus vicinis episcopis, vt id agere non morentur. Quod si intra sex menses à die conuentionis non effecerint, qui potuerit eas lucrari, ad ipsum pertineant: ita sanè, vt si ille ad quem pertinuisse videbatur, probare potuerit, magis illius electam negligentiam ab hæreticis, vt impunè ibi sint, & suam diligentiam fuisse præuentam, vt eo modo eius cura sollicitior vetaretur: cū hoc iudices episcopi cognouerint, suæ cathedræ loca restituant. Sanè si episcopi intra quos causa versatur, diuersarum sunt prouinciarum, ille primas det iudices, vicinus prouincia est locus de quo contenditur. Si autem ex communi placito vicinos iudices elegerint: aut vnus eligatur, aut tres: aut si tres elegerint, aut omnium sententiæ sequantur, aut duorum.

De duobus Episcopis altercantibus de parochia cuiusdam basilicæ. Cap. LXIX.

I NTER memoratos fratres nostros, Fulgentium Astigitanum, & Honorium Cordubensem Episcopos, discussio agitata est, propter parochiam basilicæ cuiusdam quam horum alter Celtacensem, alter Reginensem asseruit. Et quia inter vtrasque partes hætenus limitis actio vendicata est, cuius quauis vetusta retentione, nullū iuris præiudicium adferret: ideoque ne indubiū vltra inter eos nostra deuocaretur sententia, prolatis canonibus synodalia decreta perlecta sunt, quorū authoritas præmonet, ita oportere inhiberi cupiditatē, vt ne quis terminos alienos usurpet. Ob hoc placuit inter alternas partes inspectiōis viros mittēdos, ita vt diocesis possidētis, si tamē basilicā veteri-

D. BURCHARDI EPIS. VVORMAC.

bus signis limes prouisus monstraauerit, Ecclesia cuius est
ius retentionis, sit eternū dominū. Quod & si limes le-
gitimus eandem basilicam non concludit, & tamen longi
temporis probatur obiecta præscriptio, appellatio præsen-
tis episcopi non valebit: quia illi tricennalis obiectio si-
lentium imponit. Hoc etiam & secularium principū edi-
cta præcipiunt, & præsulū Romanorum decreuit autho-
ritas. Sin verò infra metas tricennalis temporis, extra a-
lienos terminos basilicæ iniusta retentio reperitur, repe-
tentis episcopi iuri sine mora restituetur.

De episcopis qui contendunt de parochijs suis. Cap. LXX.

Ex cõcil. Africa - no. ca. 75 **P**lacuit vt quicumque episcopi plebes quas ad suā, ca-
thedram ælimant pertinere non ita repetūt, vt cau-
sas suas episcopis iudicantibus agant sed alio retinēte ir-
ruerint, siue nolentibus, siue volentibus plebibus, causæ
suæ detrimentum patiantur. Et quicumque iam hoc fece-
runt, si nondam est inter episcopos finita contentio, sed
adhuc inde contendunt, ille inde discedat quem constite-
rit prætermisissis iudiciis ecclesiasticis irruisse, nec sibi qui-
que blandiatur, si à primatē vt retineat literas impetra-
rit: sed siue habeat literas, siue non habeat, cōueniat eum
qui tenet, & eius literas accipiat, vt eum appareat pacifi-
cè tenuisse Ecclesiam ad se pertinentem. Si autē ille ali-
quam quæstionem retulerit, per episcopos iudices causa
finiatur, siue quos eis primates dederint, siue quos ipsi
vicinos ex consensu delegerint.

*Vt in altera parochia clericos alterius diocesis episcopus
nullatenus ordinet. Cap. LXXI.*

Ex cõcil. Antio- che. cap. 22. **E**piscopus alienam ciuitatem, quæ nõ est illi subiecta,
non adeat, nec ad possessionem accedat, quæ ad eum
non pertinet, nec ordinationem ibi facere præsumat: nisi
ferte cum consilio & voluntate episcopi regionis. Si quis
autem tale aliquid facere tentauerit, irrita sit eius ordi-
natio, & ipse coërceatur à synodo.

*Vt nullo modo de parochia ad aliam Episcopus
transseat. Cap. LXXII.*

Ex eodem cap. 21. **E**PISCOPVS ab alia parochia nequaquã migret ad
aliam: nec sponte sua prorsus infiliens, nec vi coactus